

OBEN UND UNTEN

M+T: Hubert Sullivan

Boid bist oben und boid bist unten,
boid bist verloren und boid wirst gefunden.

Boid bist wer und boid bist nix
und dann fressen di die Fix.

Boid hast an Kreuzer, boid an Gulden
und glei drauf schon wieder Schulden.

Des Radl draht si oiwei weiter,
oba selten werdma gscheiter.

Aber solang die Musi spielt
und da Kruag mit Bier sich füllt,
bleiben ma nu a wengal sitzen
und iawaramoi tuama juchitzen.

Ob du drucken oder ziagen tuast,
oder beten oder liagn muasst.
Boid muasst fressen boid muasst saufen,
boid geht nix boid geht an haufen.
Bist du a Ochs oder a Käubl,
bist du a Mandl oder a Weibl,
bist du a Weibl oder a Mandl,
an jeden haun's amoi ins Pfandl.